

دار الفنون

ادبیات فارسی و عربی

فلسفه، اجتماعیات، تاریخ، جغرافیا، ادبیات

ایکی آبدہ بر نشر اولنور

مندرجات :

- فیحتہ وعالم‌لرک وظیفہ‌سی [محمد امین]
 تورک فیلسوفی فارابی : حیاتی ، آثاری ، مسلکی [م . شمس‌الدین]
 تہ‌تودول ریبو [مصطفی شکب]
 اسکی ساولر [نجیب عاصم]

کتابیات و مجموعہ‌لر

نجیب عاصم بک
 ۰ ع ۰ م
 ۰ ر ۰ خ

اسلام متفکرلری
 اخلاقی تہذیب
 مجموعہ‌لر

شہزادہ باشی : اوقاف اسلامیہ مطبعہ‌سی

۱۳۳۸-۱۹۲۲

میخانیک صنایعنه متعلق یونان اثرلری عربجه ترجمه ایدلمکله برابر بوکا دائر آثر اثر کتیرلمشدر. ماکنهیه متعلق عربجه الکهم بر اثرک مؤلفی جذره لی بدیع الزمان درکه تورکاردن دیاربکرده حکومت سورن « آرتق » خاندانندن قطب الدین قره آرسلانک امریله ۶۰۲ ده یازمشدر. برچوق میخیاتورلرله تزین ایدیلن برنسخه سی آیاصوفیه کتبخانه سنده بولمقدده اولدیغندن اربابنک بونی ترجمه وطبعنه همت ایله سی ملی بروطفیه در .

بوجلده هیئته ، طبابت ، تاریخ طبیعی ، طبقات الارض ، ومعدنیاته متعلق آیری آیری فصللر بولمقددرکه ارباب فنز بونک دلالتیله اسلامی اثرلر حقنده خیلی معلومات ایدندکن صوکره بونلرک اصلارینه مراجعتله خیلی خدمتلر کوره بیلمه سی ده پک ممکندر .

« اسلام متفکرلری » نیک کوروب مطالعه ایلدیکنز ایکی جلدینک مندرجانی خلاصه اولارق بوندن عبارتدر . اوچنجی جلدینک تفسیر exégèse وفقهدن ، اسلامیتک اصل ومبادیسندن ، دردنجیسنک مکتبی فلسفه ، الهیات وتصوفدن ، نهایت بشنجیسنک ده « مذاهب وعصر حاضر حریتی » ندن عبارت اوله جفی ایلاک جلدک مقدمه سندن آکلاشلماقدده در .

مؤلفی دوستمز بارون قارادو وویه بوراده عرض شکران متفکرلرمنزه اثرینک مطالعه سنی توصیه یی بروجیه بیلیرز .

نجیب عاصم



کتابیات

Bouglé, Bréhier, Delacroix et Parodi [Du Sage antique au citoyen moderne, Etudes sur la culture moderne, Paris 1921]

سهن دارالعلمینی طلبه سنه فرانسه نیک اک طائمش فلسفه معلملرندن دردی طرفندن ۱۹۲۰ سنه سنده ویریلن قونفرانسلری احتوا ایدن بو کتابک موضوعی غرب مدنیتنک مختلف دورلرنده اخلاق مفکوره نیک اکتساب ایله دیکی اوصاف ممیزدی تعیین وایضاح ایله مکدر .

پروفسور بره نیه یونان مدنیتنک « حکیم » ندن بحث ایدیور . اسکی یونان فیلسوفلرینه کوره فضیلت طبیعتک اضطرابله فدا ایدلمسیله اله اولماز ، بلکه طبیعتک درجه کماله وصولی دیمکدر (صحیفه ، ۸) . آوروپا مدنیتنک بو ایلاک مرحله سنده طبیعت قیمتی ایله اخلاق قیمتی باشقه باشقه شیلر دکدر . افلاطون ایچون آرزو واحتراض بذاته فنالق دکدرلر ، بلکه آنجق افراط درجه سنه کلنجه رزیاتی انتاج ایدرلر . بناء علیه حکیمک اساسلی فضائی بشرک طبیعی قواسنی آهنگله وافرطدن قاجینه رق انکشاف ایتدیرلردر . یعنی عفت ایله عدالتدر (صحیفه ، ۱۴) . مدنیتک تکاملندن وثرائط اجتماعی نیک تحوّلدن متولد فرقلردن صرف نظر رواقیلرک اخلاق مفکوره سی ده طبیعتک ایجاباتنه توافق ایله مکدن عبارتدر (صحیفه ، ۲۲ الی ۴۰) . یالکز قرون قدیمه نیک انتها سنده حیانک معناسی باشقه صورتله اکلاشیلماغه باشلايور . حکیمک مفکوره سی روحک تصفیه سنده بدن وبدندن کان احتراصلردن تجریده کورولویور (صحیفه ، ۴۱ - ۵۵) . پروفسور دولافروا مدنیت قدیمه نیک انتها سنده

شدتله بلیرن بوجریانک خریستیانلقه ناصل عمومیلشدیکنی ایضاح ایدیور . انسانک طبیعتک خارجنده فوقنده برمدای وبرمادی واردر . حقیقی حیات ابدی اولان حیاتدرکه باشقه برعالمده تحقق ایدر . انسانک اوکا اکتساب لیاقت ایلهمسی آنجق اللمدن کان هدایت ایلهممکن اولابیلیر . آنجق اوسایهده اعمال بشریهده حقیقی برقیمت اکتساب ایلر (صحیفه، ۵۸) . بوعتقادخریستیانلقه خاص دکلدر . طبیعت حیاتی اکیلشدیرهرک اوکا برده طبیعت فوقنده دینی حیات علاوه ایلهمک بوتون دینلرک عمومی تمایلیدر . بوتفریق سایهسنده اخلاق مفکورهسی یونان مدنیتنده حائر اولدینی «طبیعیاتک» وصفنی ترک ایلهم الهی برماهیت اکتساب ایدیور . مدنیت قدیمده فضیلت انسانک طبیعت اعتباریلهم کندینه خاص اولانی یاماسی ایدی ، قرون وسطا خریستیانلقهده ایسه دینی اسرارک اندیشه واضطرابی ایچنده یاشایان روح کندینی قورتاراجق برالله خیالی اوکندده سجده ایدیور (صحیفه، ۶۶-۶۷) . معمایه خریستیان اخلاقنده «طبیعی» اخلاق عنصرلری تماماً مفقوددر دینه من (صحیفه، ۶۸) . نته کیم یونان قدیمده اخلاق مفکورهک طبیعت فوقنده وخارجنده تلقیسی معدوم دکلدی (صحیفه، ۴۳، ۶۵، ۹۵) . خریستیان دینی وحی ایلهم ، الهام ایلهم ایریشیلهم بیلن حقایق عالیهمک دوننده بشرک کندی عقلیله ، نوعما بر طبیعت دینی قبیلندن الهیات علمنی وجوده کتیره بیلهمجکنی قبول ایلهمدیکی کبی (صحیفه، ۷۲-۷۳ و ۸۹) . یونان مدنیتک طبیعت ملاحظهسندن استخراج ایلهمدیکی فضائل اربعهمکده دینی اندیشهک محصولی اولان *vertus théologiques* آلتنده واولردن فیضلهمرک ، قیمت قازانهرق برموقی حائر اولماسنه مانع دکلدر (صحیفه، ۷۹-۸۰) .

فضائل دینیهمی نفسنده جمع ایدن ولی *le saint* قرون وسطا مدنیتک قهرمانیدر (صحیفه، ۹۷-۹۸) فقط ولینک بر تک نمونهسی اولدیغنی ظن ایتهمملیدر . ولی ، کندیسنی قهرمان طانیان جمعیتک بر افادهسی اولدیغنی جهنهمه اونک تنوعلرینی ده اظهار ایدر (صحیفه، ۱۰۵) . مثلاً حواری ، زاهد ، دین ایچون شهید اولانلر ، کلیسایه ، جماعته قوماند ایدنلر ، مسائل دینیهمی تعمیق ایدن علما ، متصوف ومجذوب قرون وسطا عالمنک اخلاق قهرمانلریدر (صحیفه، ۹۷-۱۱۵) . طبیعت توفیق حرکت ایلهمکی اخلاق دستوری اولارق قبول ایدن مدنیت قدیمه ایلهم طبیعتهم مخالفت ایلهمکی اخلاق فضیلتلرک تحققی ایچون شرط اساسی اولارق قبول ایدن قرون وسطا عالمنک ناصل ۱۷ نجی عصر جمعیتنده «عقل» مفهومک تشکیل ایلهمدیکی پرده آلتنده تألیف ایدیلدیکنی پروفیسور پارودی آکلاتیور . عقل ایلهم طبیعت نظامنی تماشا ایدهرک فکر الهیهم ایریشیرز (صحیفه، ۱۲۶) . فقط عقل اونی سکزننجی عصرده باشقه برخدمتله مکلف : اوزمانه قدر الهی برنظام قدسیتنه مظهر عد اولنان سیاسی ، اخلاقی ، اجتماعی فکرلر اینجه برتنقید سوزکچندن کچیریلدیور وبرعصر اول محافظه کار اولان عقل برعصر صوکره اختلاجی کوزوکویور (صحیفه، ۱۶۹-۱۹۳) بوتحوالی ترسیم ایدن قونفرانس لر ترکیب اعتباریلهم قرون وسطاده ویونان قدیمه عائد اولانلردن دهآ از علاقه دار ایدیور . چونکه منحصراً فرانسه مدنیتک تکاملندن باحشر . لوحه تمام اولماسی ایچون آلمانیا وانکلتره دن بحث ایدمک حتی ایتالیان ویقو اونوتولماق لازم کلیردی .

بوکا مقابل معاصر حیاته عائد اخلاق مفکوره لردن بحث ایلهمین پروفیسور بوغله نک ایکی قونفرانسی بوکون اک بویوک علاقه ایلهم تعقیب ایدیلن مسئله لره تماس ایتهمکده در . اون طقوزنجی عصرده غرب مدنیتک توسمی حسیله آرتق برخریستیان ، حتی برغرب خریستیان مدنیتی اولق وصفی اوکا آنجق منشأی اعتباریلهم اضافه ایدیلهم بیلیر . شیمدی بومدنیتک عناصر ملحقهسی اولان شرق واقصای شرقده

مختلف مملکتلر وار . اونک ایچون بوغله نك تدقیق ایله دیکی مسئله لر بو کون بشریتک قسم اعظمی علاقه دار ایدر . مع مافیہ بوغله ده فرانسر حیاتنک تکاملنی اساس اتحاد ایله مشدر .

اون بدنجی و اون سکزنجی عصرلرده حاکم اولان « عقل » تصویری یرینه اون طقوزنجی عصرده « جمعیت » تصویری مسائل اخلاقیه و سیاسیه ده اهمیت کسب ایدیور . اوزمانه قدر فلسفی و مابعدالطبیعی اولان مسئله لر آرتق اجتماعی تلقی ایدیور . اساساً جمعیت مفهومی برطرفدن طبیعت نظامنه داخل ایکی جهتدن او نظامک فوقنده کوزو کمزمی ؟ بوسایه ده اون بدنجی و اون سکزنجی عصرلرک آرادیفی ترکیبی نقطه نظر بولونشمیدر ؟ ظن ایدرم بوغله نك مقصدی بویله براده د اوزرنده درین بر اویقویه یاتمه نك جائز اولدیغنی کوسترمکدر . یکی ضدیتلر میدان چقیفور : برطرفدن انسانلر جمعیت حالنده یاشارلر چونکه آرالرنده مشترک عقیده لر، روحلرنده ممائل اولان میلانلر واردر . ده موقراسی بو عینیت اوزرینه قورولور و بوندن طولاییدرکه - عنی جنسندن اولانلرک جمعی جائز اولدیغندن - اکثریت قانونی ده موقراسیده حاکمدر . فقط دیگر طرفدن، بالخاصه معاصر جمعیتلر دد فردلر آره سندة تخلف، اختصاص نقطه نظرندن ده پک صیقی تابعیتلر کورولمشدر . و بو « عضوی تساد » کیت کیده آرتقمده در . اک متعین مملکتلرده سندیقالنزمک اراده ایله دیکی تمایلات بر تمثیل کی اولان ده موقراسی یرینه بر تمثیل کبی اولماسی لازم کان مسلك زمره لرینه ابتدا ایدن تشکیلاتک حاکم اولماسنه متوجهدر . بوغله بو کون جمعیت حاضرده داخلنده کی بویکی بویوک جریانی اراده ایدیور (صحیفه، ۲۱۸) اون طقوزنجی عصر ابتدا سندم اخلاق مفکوره سی حر بر سلطان اولارق وطنداش اولمسنی استهداف ایدیوردی . فقط ایشچینک اقتصادی سفالته رغماً سیاسی سلطنتندن بحث اولنه بیلیرمی ؟ حریت ایچون مساوات لازم . مساوات ایسه دولتک اقتصادی و معنوی حیاته قارشى سیرجی قالماسیله دکل مؤثر مداخله سیله ممکندر . غایه اولارق فرد حیلک واسطه اولارق فرد جیلک معارضدر (صحیفه، ۲۰۷) فقط نه درجه یه قدر ؟ آرتق سیاست غاوغالرندن خیر اومایان ایشجی اکثریتی آنجق مستحصللرک وطنداش اولابیله جکنی ادعا ایدیور . اسکیدن محقر اسیرلرک حصه سنه اصابت ایدن سمی بو کونکی وجدانده بویوک بر موقع شرف اکتساب ایدیور . (صحیفه، ۲۰۶، ۲۲۳) ده موقراسی و یاسندیقالنزم : آئیده بویکی جریاندن هانکیسنک تفوق ایده جکنی تعیین ایله مک بو کونکی سیاسی و اجتماعی مسئله در . پروفور بوغله بویکی جریانک یکدیگرینه انطباق ایله مسی لازم کلدیکنه قاعددر (صحیفه، ۲۴۲) .

یکرمی بش عصرلق بوتون بر معنوی تکاملی اون برقونفرانسنده خلاصه ایله مه نك تهلیکله لر معلومدر : هیئت عمومیه نك بارز بر صورتده نظرده تجسم ایده بیلیمسی ایچون فرعی ظن اولنه ان جریانلر اهل اولونور . بو کتابده ، مؤلفلرک مسلم اقدار و اختصاصلرینه رغماً ، بواکسیکلک ضروری اولارق موجوددر . اساساً خلاصه ایدرکن بزده عینی مشکلات قارشیسندم قالدق . هر حالده اخلاق فلسفه سی مسائلنه نفوذ ایله مک ایسته یین کیمسه لر ایچون بو کتاب قیمتی برره بردر . اساساً بو کونده دون کی شرقده و عربده موضوع اولان مسئله لر ماهیت اعتباریله او قدر فرقی دکلدرلر .